

**- SENAT –**

Broj: 01-19-2/20

Sarajevo, 09. 09. 2020. godine

Na osnovu člana 130, a u vezi sa članom 80. Zakona o visokom obrazovanju („Službene novine Kantona Sarajevo“ broj: 33/17), člana 59, a u vezi sa članom 7. Statuta Univerziteta u Sarajevu, Senat je na 18. elektronskoj sjednici održanoj 09. 09. 2020. godine, donio *s l i j e d e ć u*

O D L U K U**I**

Daje se *saglasnost* na proširenje Plana upisa u kategoriji - redovan student koji se finansira iz budžetskih sredstava na prvoj godini prvog ciklusa i integriranog studija, a zbog propusta tehničke naravi prilikom online upisa na Arhitektonskom fakultetu, Fakultetu političkih nauka, Fakultetu za kriminalistiku, kriminologiju i sigurnosne studije, Fakultetu za saobraćaj i komunikacije, Građevinskom fakultetu, Mašinskom fakultetu, Pravnom fakultetu i Veterinarskom fakultetu Univerziteta u Sarajevu u studijskoj 2020/2021. godini.

II

Sastavni dio ove odluke čini spisak kandidata koji se nisu upisali ni na jedan studijski program (ispis e-uns-a baze) na organizacionim jedincama Univerziteta u Sarajevu, kako slijedi:

1. Arhitektonski fakultet – 4 kandidata,
2. Fakultet političkih nauka – 17 kandidata,
3. Fakultet za kriminalistiku, kriminologiju i sigurnosne studije – 21 kandidat,
4. Fakultet za saobraćaj i komunikacije – 14 kandidata,
5. Građevinski fakultet – 8 kandidata,
6. Mašinski fakultet – 11 kandidata,
7. Pravni fakultet – 8 kandidata i
8. Veterinarski fakultet – 4 kandidata.

III

Ova odluka dostavlja se putem Ministarstva za obrazovanje, nauku i mlade Kantona Sarajevo, Vladi Kantona Sarajevo, na dalje postupanje.

O b r a z l o ž e n j e

Prilikom generisanja revidiranih konačnih rang listi putem sistema online upisa, uprkos analizi i predviđanju različitih mogućnosti, došlo je do propusta tehničke naravi. Naime, u Konkursu za upis navedeno je da se upražnjena mjesta redovnih kandidata, čiji se studij finansira iz budžeta Kantona Sarajevo, popunjavaju narednim kandidatima sa liste, što je sistem i uradio, tako da je prvi naredni samofinansirajući kandidat prebačen u redovne i tako redom dok se nisu popunila upražnjena mjesta redovnih kandidata. Ono što nije uzeto u obzir jesu kandidati koji su prilikom prijave izabrali isključivo redovan studij za neki smjer, ali ne i samofinansirajući, i koji na konačnim listama nisu imali dovoljan broj bodova da se pojave među redovnim kandidatima (nisu dobili mogućnost upisa). Ispostavilo se da je određeni broj ovih kandidata imao više bodova od

nekim kandidata sa liste samofinansirajućih, koji su na revidiranoj listi pomjereni na upražnjena mjesta redovnih kandidata.

Dana 06. 08. 2020. godine dekanima fakulteta/akademija Univerziteta u Sarajevu, navedenim u dispozitivu ove odluke, je upućena obavijest i zahtjev za davanje prethodne saglasnosti za dopunu ranijih zahtjeva za proširenje Plana upisa u kategoriji redovan student.

Uz saglasnost dekana gore navedenih fakulteta/akademija Univerziteta u Sarajevu, a u cilju iznalaženja rješenja kako bi se ova situacija korigovala na najbolji mogući način u ovom trenutku, pri tome cijeneći činjenicu da nije ispravno kandidate, koji su se našli na revidiranoj konačnoj listi među redovnim opet vraćati među samofinansirajuće, a još manje kandidatima koji imaju veći broj bodova od onih koji su se našli među redovnim studentima onemogućiti upis, odlučeno je kao u dispozitivu.

REKTOR

Prof. dr. Rifat Skrijelj



Dostavljeno:

- Ministarstvo za obrazovanje, nauku i mlade Kantona Sarajevo
- Arhitektonski fakultet
- Fakultet političkih nauka
- Fakultet za kriminalistiku, kriminologiju i sigurnosne studije
- Fakultet za saobraćaj i komunikacije
- Građevinski fakultet
- Mašinski fakultet
- Pravni fakultet
- Veterinarski fakultet
- Službi za nastavu UNSA
- U dokumentaciju Senata
- Arhivi